

Giulan pur l'oferta ai Ré Magi che é stada de 6.513,25 Euro. En bel giulan ince a Erna che i à insigné ite, ai acompagnadus y les mitans che a cianté.

Giulan ince pur les ofertes da l "Paisc da Nadé": la Ütia dles Uniuns a dé 1.000 € por la Krebshilfe y la ütia Delizius cun les tutres a dé 2.000 € por la monia Paola. Giulan a düc chi che á fat para y a dé spanures.

- Ai 19. de furá dales 17:30 vëgnel tigní en colaboraziun cun le Cunsëi de Formaziun Badia tl Zënter dla jonèza y dla cultura SaJ.un a La Ila na sèra de workshop y informaziun da cujiné por geniturs cun la dietologa Dr. Ivonne Daurú Malsiner. "Ci é pa na alimentaziun sana y co poi pa iö ti la pité a mi mituns?" Le cost é de 15€ y les prenotaziuns vëgn tutes sö te Sorvisc ai Jogn Val Badia (0474-523070).
- Le SaJ Val Badia chir por le proiet "Isté deboriada" jogn y jones che á ligrèza da lauré cun mituns y mitans sciöche animadus/ësses (an mëss avëi arjunt la majera eté). Implü vëgnel ince pité a jogn y jones dai 16 agn inant, la poscibilitè da se fá na bela esperiënza tl laur cun mituns tres en practicum y se davagné ensciö val tratan l'isté. Por informaziuns präibel cherdé sö le Sorvisc ai Jogn 0474 52 30 70 (lön-jöb dales 8.00-12.00) o diretamënter Manuela (cel: 371/4780867, e-mail: manuela@jogn.org). Termo por dé jö les domandes é le 29 de forá 2020!
- Le Zënter sozial La Spona - Comunità Comprensoriala de Puster - chir da forá/merz inant na educadëssa o educadú, pedagoga o pedagog sozial/a al 50% por la comunitè d'abitaziun. Le laur é dantadöt domisdé, dal lünesc ala jöbia. Por inforamziuns präibel cherdé sö da atira le numer 0471 843060 y damané dla responabla Sabine Federa.
- Este interessé/ssada da laoré tl ciamp di seniors y/o dles persones cun handicap? Spo té l'ocajun y scriete ite a öna de chëstes formaziuns: formaziun a mez tēmp da operadëssa-sozio assistenziala che vëgn tignida a Porsenú. Les leziuns de teoria vëgn tignides danmisdé 3 iadi al' edema danmisdé. Les iscriziuns é davertes por persones dai 25 agn insö, dai 18. de jené ai 13 de merz pro la scora por i laurs soziai "Hannah Arendt". Por informaziuns plü avisa y por formaziuns a tēmp plëgn contatëia la scora por i laurs soziai "Hannah Arendt" al numer 0471 97 34 94 o ciara sön la plata internet <http://www.sozialberufe.berufsschule.it>.




Plata dla Ploania San Ciascian

E-Mail: ploania.sanciascian@rolmail.net

Tel. 0471 849474

UNITÉ PASTORALA



VAL BADIA

www.unitepastorala.org

Ann. A dal 03.02 al 16.02.2020

n. 10/11



Ativité dl Cor de Dlijia da San Ciascian tratan l'ann 2019

Le cor de dljia é bunamënter l'uniun plü vedla tl paisc da San Ciascian. Da n vedl documënt pon lí che l'ann 1845 á le nobl Janbatista Rinna da Suracianins fat n' oferta ala dljia por la cumpra de n orghe de dljia. Chësc orghe á spo tigni 137 agn cina l'ann 1982. In chël ann(1845) s'ál spo ince formé n grup de ciantarins.

Le cor de dljia s'á tratan l'ann 2019 incunté 82 iadi, te dljia por cianté les mësses y abeli funziuns liturgiches o te local dles proes. Por le momënt cumpëda le cor 27 mëmbri. A vigni ciantarina y ciantarin ti val n gran y sintí giulan por le tröp tēmp dediché ales proes y al cianté te dljia, por le bëgn dla comunitè. Maximilian á tigni pormez cun l' imparé l'orghe y sona tres deplü. Ince Lucia á metü man y á bele soné plü iadi. Le cor á ince cianté dui iadi foradecá: ai 19 d'otober tratan mëssa tla ciasa de palsa a San Martin y ai 30 de dezëmber tla dljia da Oies por abeli la pröma domënia d'Advënt.

Le cor cianta pro les gran festes scialdi l'ordinar de na mëssa latina o scenó plütosc cianties, in gran pert ladines, arjignades ca da Ulrich, Erna y Albin. I un ince datrai l'ocajun da sté in compagnia sciöche pro val' pizza, cëna o val' gita. Tratan la marëna de S.Zezilia á Mara y Sara cialfé les miritades onoranzas por sü 30 agn de ciantarina. Giulan a Karin y Sabrina che é gnüdes pro le cor chëst ann. N lalt ales ciantarines y ai ciantarins che fej cantor les domënies.

N ringraziamënt ales persones da San Ciascian che á albü na bona man por sostegni le cor cun n' oferta, che á ufri la pizza o cinamai na cëna. Al nes fej dagnëra plajëi da aldi parores de stima y de lalt por le cor, che nes dá coraje y ligrèza da cianté inant. Ala cüra, ala fraziun, al comun y ales istituziuns publiches che sostëgn l'ativité dl cor cun n contribut finanziair por curí les spëises da cumpré notes, da paié l'insegnanta por la formaziun dla usc, la gita y d'atres spëises n gran giulan.

Ala fin ciamó n invit a jogn y jones da gní a fá pert dl cor, che al é sigü na bela ativité d'ütl por la comunitè.

Sc'i èis debojëgn dl cor metesse präibel in contat cun le presidënt Raffael, cun le dirighënt Ulrich o cun i mëmbri dl comitè Erna, Sabine y Christoph.

Le presidënt Raffael y le dirighënt Ulrich

Edema liturgica dai 03.02 ai 09.02.2020	
Lün 03 7:25	<i>Blaje, Ansgar, Oskar, Simeon y Hannah</i> S.Mëssa † Widmann Mathilde benedisciun de S.Blaje
Mer 04 7:25	<i>Rabanus Maurus, Agata, Veronika</i> S.Mëssa pur fam. Canins Erwin
Mer 05 7:25	<i>Ingenuin y Albuin veschi de Jênn, Adelheid, Elisabeth</i> S.Mëssa † Granruaz Edi S.Mëssa pur fam. Podkaliski
Jöb 06 7:25	<i>Paul Miki y compagns, Dorotea, Amando</i> S.Mëssa pur families de Canins Edl y Maria
Vëi 07 7:25	<i>Richard, Eugenio</i> S.Mëssa pur fam. Bajetti
Sab 08 18:00	<i>Hieronymus Ämiliani, Josefina Bakhita, Filip</i> S.Mëssa † Pescollderungg Sepl S.Mëssa † Crazzolara Orietta
DOM 09 9:00 9:30	5. domënia dl ann <i>Apolonia, Alexia, Anna Katharina</i> Corona S.Mëssa †† Terza S.Mëssa de ringraziamënt

Edema liturgica dai 10.02 ai 16.02.2020	
Lün 10 7:25	<i>Scolastica, Wilhelm, Silvan</i> Aniversar † Crazzolara Vijo
Mer 11 7:25	<i>Memoria de Santa Maria da Lourdes - dé mondial di amará - Anselm, Teodora</i> S.Mëssa † Pescollderungg Giuvani Aniversar † Pescollderungg Emma
Mer 12 7:25	<i>Gregor II, Benedet</i> S.Mëssa pur families dla Costa
Jöb 13 7:25	<i>Adolf, Gisela</i> S.Mëssa † Crazzolara Vijo
Vëi 14 7:25	<i>Festa dai Sanc Ziril y Metode (patrons d'Europa), Valentin</i> Aniversar † Canins Lorenzo
Sab 15 18:00	<i>Siegfried, Faustin</i> S.Mëssa de ringraziamënt
DOM 16 9:00 9:30	6. domënia dl ann <i>Iuliana, Filipa</i> Corona Aniversar † Declara Giuvani S.Mëssa ad intenziun